



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.403/2025

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Ramush Bardiqi, Kryesues, Hajriz Hoti dhe Kujtim Pasuli anëtarë, duke vendosur përkitazi me ankesat e subjektit politik Lidhja Demokratike e Kosovës (LDK), me seli në Prishtinë, të paraqitur kundër subjektit politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës, që do të mbahen me datën 09.02.2025, në seancën e panelit të mbajtur me datë 09.02.2025, merr këtë,

V E N D I M

REFUZOHET e pabazuar ankesa Anr.403/2025 e datës;06.02.2025, e parashtruar nga subjekti politik Lidhja Demokratike e Kosovës (LDK), me seli në Prishtinë, kundër subjektit politik Lëvizja Vetëvendosje (LVV), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme të Kuvendit të Republikës së Kosovës që do të mbahen me datë 09.02.2025

A r s y e t i m

Me datën 06.02.2025, PZAP-i, ka pranuar një ankesë nga subjekti politik, Lidhja Demokratike e Kosovës (LDK), me të cilën pretendon se Subjekti politik LDK — aktivistët nga Dega e tretë në Prishtinë, në ora 11:00, me datë 06.02.2025 kanë vërejtur se subjekti politik LVV me rastin e shpërndarjes së njoftimeve nëpër ndërtesë kolektive në lagjen "Bregu i Diellit" ka bërë shkelje të nenit 34 paragrafi 1, nën paragrafi 1.2 të LZP-së. Më tutje parashtruesi i ankesës ka theksuar se tubimi për të cilin janë shpërndarë njoftimet kundërligjshëm, është mbajtur me datë 05.02.2025, dhe 24 orë nga shkelja e supozuar LDK në Prishtinë ka vërejtur se ka ndodhur një veprim i tillë dhe ankesa e deponuar është brenda afatit të përgjithshëm 48 orësh.

Parashtruesi i ankesës ka kërkuar që të i shqiptohet masë sanksionuese ndaj subjektit politik LVV. Rast precedent dhe tashmë përsëritës i veprimit të njëjtë është Vendimi i PZAP, A.nr. 75/2025, ku LVV për çështje të njëjtë ishte dënuar-gjohitur.

Si provë në ankesë ka bashkangjitur fotot.

Më datë 07.02.2025, PZAP-i, e njoftoi Subjektin Politik, Lëvizja Vetëvendosje (LVV), për ankesën e paraqitur kundër tyre, duke i dërguar kërkesë për përgjigje deri me datën 07.02.2025 në ora 19:00.

Në përgjigje në ankesë të paraqitur më datën 07.02.2025, subjekti politik Lëvizja Vetëvendosje (LVV), ka theksuar se nga pretendimet ankimore të ankuesit dhe foto dokumentacioni që ankuesi i ka bashkangjitur ankesës në asnjë rrethanë nuk mund të konstatohet se këto njoftime janë shpërndarë nga Lëvizja Vetëvendosje apo të njëjtat janë shpërndarë brenda një ndërtesa kolektive, për më tepër njoftimet mund të shpërndahen nga kushdo dhe të fotografohen në mënyrë që më pas të fajësohet Lëvizja Vetëvendosje kinse po vepron në kundërshtim me rregullat e Kodi të Mirësjelljes. Andaj duke marrë për bazë rrethanat e lartcekura pas shqyrtimit të të gjitha provave dhe argumenteve të parashtruara nga palët, i ka propozuar PZAP-së që ta refuzojë ankesën si të pabazuar.

PZAP-i, pasi që shqyrtoi dhe vlerësoi pretendimet ankimore gjeti se:

Ankesa është e pabazuar.

Pretendimet ankimore të parashtruesit të ankesës se Subjekti Politik e Lëvizja Vetëvendosje, ka shpërndarë material zgjedhor/njoftime brenda ndërtesave publike apo godinave për tubimin politik janë të pa qëndrueshme dhe si të tilla i refuzoj për faktin se veprimet e përshkruara në ankesë nuk paraqesin shkelje të dispozitës së nenit 34 paragrafi 1 nën paragrafi 1.2 të Ligjit Nr.08/L-228 i cili përcakton” *Gjatë periudhës së fushatës, subjekti politik, mbështetësit ose kandidatët e tij, ndalohen nga bërja e ndonjëres si në vijim, paragrafi 2.2 vendosa e njoftimeve, pllakateve dhe postëreve , ose përndryshe, vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugë publike, në shenjat e trafikut publik, brenda ose jashtë hapësirave ose ndërtesave të zëna, ose, ndryshe, që shfrytëzohen nga organizata ndërkombëtare, ose brenda ose në hapësirat private pa lejen e pronarëve ose shfrytëzuesve*”, pasi që në fotografit e bashkangjitura në ankesë shihen vetëm disa njoftime të shpërndara në hyrje të banesave

Në bazë të provave të bashkangjitura shkresave të lëndës dhe pretendimet e palës ankuese paneli vlerësoi se pretendimi ankimor për shpërndarjen e njoftimeve brenda ndërtesave për tubim publik janë të paqëndrueshme dhe si të tilla Paneli i refuzoi për faktin se subjekti politik LDK nga veprimet e përshkruara në ankesë dhe nga provat e ofruara si dëshmi, nuk ka arritur që të vërtetoj se këto veprime janë ndërmarr nga subjekti politik kundër të cilit është paraqitur ankesa, për të ardhur në përfundim se janë bërë shkelje të dispozitave të lartcekura të Nenit 34 paragrafi 1, nën paragrafi 1.2 të Ligjit Nr.08/L-228 Për Zgjedhjet e Përgjithshme në Republikën e Kosovës, dhe sipas Rregullës NR.01/2024 për Procedurat e Parashtrimit dhe Vendosijes së Ankesave, neni 5, paragrafi 1. nën paragrafi 1.3 ankesat që dorëzohen në PZAP për shqyrtim duhet të përmbajnë këto të dhëna:1.3.Kohën, datën dhe orën kur ka ndodhur shkelja, ku në rastin konkret parashtruesi i ankesës nuk ka dhënë hollësi që të dihet se ku janë shpërndarë këto njoftime, në cilën datë ka ndodhur shkelja e pretenduar

dhe nga provat e ofruara nuk mund te identifikohet objekti se ka ndodhur shpërndarja e materialeve zgjedhore, andaj ne prani te këtyre rrethanave ankesa është refuzuar si e pabazuar.

Kështu qe paneli vlerësoi se parashtruesi i ankesës në mbështetje të pretendimeve, nuk ka ofruar dëshmi të qarta dhe bindëse, edhe pse në kuptim të nenit 117 paragrafi 3 të LZP-së, barra e të provuarit bie mbi ankuesin, në rastin konkret të provuarit e asaj se shkelësit e supozuar kanë shpërndarë material zgjedhor në hapësira të palejuara konkretisht në ndërtesa, nuk është dëshmuar me prova nga pala ankuese.

Nga arsyet e theksuar më lartë duke bazuar nenin 117 paragrafi 3, neni 118 paragrafi 1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa
Anr.403/2025, datë;09.02.2025



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.